

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 87 50 30, Fax: 00387 35 87 66 47, e-mail: opcina@banovici.gov.ba, Web: www.banovici.gov.ba

Broj: 01-05-1571/17-4

Datum: 06.10.2017. godine

Na osnovu člana 64. stav 1. tačka b. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06) člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-1571/17-3 od 06.10.2017. godine u postupku javne nabavke usluge „Izvođenje radova na rekonstrukciji i asfaltiranju ceste u naselju Pirići, MZ Grivice“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavke broj: 01-05-1571/17-3 od 06.10.2017. godine i Ugovor za javnu nabavku usluge „Izvođenje radova na rekonstrukciji i asfaltiranju ceste u naselju Pirići, MZ Grivice“ dodjeljuje se ponuđaču **“RIAL – ŠPED“ d.o.o. Doboj Istok**, sa sjedištem u ulici Magistralni Put bb, 74207 Klokočnica, ponuda broj: 121/17 od 22.09.2017. godine, za ponudenu cijenu od 79.573,43 KM bez PDV-a, kao najbolje ocijenjenom ponuđaču.

Član 2.

Prijedlog Ugovora o nabavci radova dostavit će se na potpis izabranom ponuđaču **“RIAL – ŠPED“ d.o.o. Doboj Istok**, sa sjedištem u ulici Magistralni Put bb, 74207 Klokočnica, u roku od 10 dana, računajući od dana kada su svi ponuđači budu obavješteni o izboru najpovoljnije ponude.

Član 3

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik Bosne i Hercegovine“, broj 39/14).

obrazloženje

Odlukom o pokretanju postupka javne nabavke usluge broj: 01-05-1571/17 od 20.09.2017. godine donesenom od strane ovog organa pokrenut je postupak javne nabavke radova „Izvođenje radova na rekonstrukciji i asfaltiranju ceste u naselju Pirići, MZ Grivice“.

Predmetna javna nabavka predviđena je Planom javnih nabavki općine Banovići za 2017. godinu, (broj: 01-05-18/17 od 10.01.2017. godine, 01-05-301/17 od 14.02.2017. godine, 01-05-349/17 od 22.02.2017. godine, 01-05-897/17 od 15.05.2017. godine, 01-05-1012/17 od 12.06.2017. godine, 01-05-1339/17 od 08.08.2017. godine, 01-05-1258/17 od 11.09.2017. godine), evidencijski broj 7d/17.

Javna nabavka raadova sprovedena je konkurentskim zahtjevom za dostavu ponuda.

Procijenjena vrijednost javne nabavke bez PDV-a je 79.999,00 KM.

Obavještenje o nabavci broj 1220-7-3-129-3-56/17 od 20.09.2017. godine, objavljeno je na Portalu javnih nabavki .

Tenderska dokumentacija objavljena je na Portalu javnih nabavki.

Poziv za dostavu ponuda upućen je slijedećim pravnim licima (istovremeno sa slanjem obavijesti na Portal javnih nabavki):

- „RIAL-ŠPED“ d.o.o. Doboj Istok
- „ROADING“ d.o.o. Gračanica
- „CESTOTEHNIK“ d.o.o. Tuzla

Komisija za javne nabavke imenovana rješenjem broj: 01-05-805/17 od 27.04.2017. godine, ovom organu dostavila je dana 06.10.2017. godine Zapisnik o ocjeni ponuda broj: 01-05-1571/17-2 od 06.10.2017. godine i Preporuku o izboru najpovoljnijeg ponuđača broj: 01-05-1571/17-3 od 06.10.2017. godine u postupku javne nabavke radova „Izvođenje radova na rekonstrukciji i asfaltiranju ceste u naselju Pirići, MZ Grivice“

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 2 (dvije) i to ponude slijedećeg ponuđača:
 - "RIAL-ŠPED" d.o.o. Doboj Istok, sa sjedištem u ulici Magistralni Put bb, 74207 Klokotnica (datum predaje ponude 29.09.2017. godine; vrijeme predaje ponude 12:00 h)
 - "CESTOTEHNIK" d.o.o. Tuzla, sa sjedištem u ulici Albina Herljevića 5, 75000 Tuzla (datum predaje ponude 04.10.2017. godine; vrijeme predaje ponude 10:27 h)
- da su blagovremeno zaprimljene 2 (dvije) ponuda,
- da nema neblagovremenih ponuda,
 - da je 1 (jedna) pristigla ponuda ocijenjena prihvatljivim. Ponuđač „CESTOTEHNIK“ d.o.o. Tuzla u ponudi nije dostavio valjan dokaz o posjedovanju asfaltne baze ili da ima mogućnost korištenja usluga asfaltne baze (tačka 6.2.). Ponuđač je u ponudi dostavio Ugovor o poslovno – tehničkoj saradnji sa firmom „PRO ASFALT“ d.o.o. Tuzla u kome su ugovorne strane saglasne da se „PRO ASFALT“ d.o.o. Tuzla obavezuje da će za potrebe „CESTOTEHNIK“ d.o.o. Tuzla vršiti isporuku asfalta (svih mješavina) potrebnog za izvođenje radova po javnom natječaju: „Izvođenje radova na rekonstrukciji i asfaltiranju ceste u naselju Lazine, MZ Aljkovići“, raspisanom od strane općine Banovići, a što nije predmet konkretnog postupka javne nabavke. Zbog toga se ponuda navedenog ponuđača odbija kao neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena u iznosu od 79.573,43 KM bez PDV-a.

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

DOSTAVITI:

- 1x Svim ponuđačima koji su učestvovali u postupku JN
- 1x U spis

OPĆINSKI NAČELNIK
Mihat Husić

